

վրդ. Որոտնեցիին, (✳ 1386). մեր եկեղեցիին բազմադղուն վարդապետներէն մին. 1387ին յաջորդ կը կարգուի Որոտնեցիին Տաթևի մէջ: Կը մնայ Մեծոփի եւ Արճէշի վանքերը (1408-9), կը վախճանի 1410ին, Ս. Ստեփանոսի ասոնի օրը, և մարմինը կ'ամփոփուի Տաթևի վանքին մէջ (Ջևո. Յայալ. 27 ապր. տեսնել իր տապանագիրը Հ. Հայրենեաց. Գիրք Ե.): Մասնաւոր գտաւայանի և ծայրագոյն վարդապետի իշխանութեան կանոնը պատրաստած է Գրիգոր վրդ. Տաթևացին:

Գրիգոր վրդ. Որոտնեցիին հետ 1373 ին ուխտաւորութեամբ այցելած է Ս. Յակոբի վանքը՝ ուր նոյն վարդապետէն, ըստ Յայալաւորաց կ'ստանայ կուսակրօն քահանայութեան կարգը, եւ Երուսաղէմէն մեկնելէն յետոյ, դարձեալ նոյն վարդապետէն կ'առնու վարդապետական գաւազան Եկեղեցաց գաւառին մէջ: Տաթևացի Գրիգորի գրչութեամբ Բինկոյի (Ակն) Ս. Հրեշտակապետ եկեղեցիին մէջ գանձուող ձեռագիր Աւետարանի մը յիշատակարանէն կը ճշդուի որ նոյն վարդապետին կողմէն Ս. Յակոբի այցելութիւնը տեղի ունեցած է 1373ին, և հոն գրած է նոյն ձեռագրին յիշատակարանը հետեւեալ պարունակութեամբ. «ով եղբայր. զյիշատակարանս յետոյ գրեցի յԵրուսաղէմ Ս. Քաղաքս և կարի արտորանօք ի մեծի հինգչարթուոյ աւուրս». (Հ. Ակնայ. էջ 99). Տաթևացիին երկասիրութիւնները բազմաթիւ են. անոնց ցուցակը կուտայ մեզ Ղազար վրդ. Ջահկեցի (յետոյ կթղ.) իր Դրայս Յանկայի գրքին մէջ (էջ 641):

ԳՐԻԳՈՐԻՍ ՎՐԳ. ՓԻՂԻՍՈՓՍՅ.— Մը. 1425 ին Լսպ. (ՄՁ. Թ. 67) Ասրցիս գրքի յիշատակարանին համաձայն:

ԳՐԻԳՈՐ ՎՐԳ.— Մը. 1716 ին. ՓԿԵ.:

ԳՐԻԳՈՐԻՍ ՔԶ. ԲԱՂՍՍՄ.— Կամենիցի մէջ Լեհաստանի Հայոց բռնի միութեան խնդիրներուն ժամանակ Բալսամ քհն. անունն ալ խառնուած է. և կը թուի թէ՛ լատինացած է: Գրիգորիս քհն. շատ տարիներ բնակած է Ս. Յակոբի վանքին մէջ. Կամենեցի դատաւորք կը յայտարարեն Գրիգորիս քհն. մասին. «... ոչ երբեք քարոզեալ իցէ նորա այսպիսի լինչ (բաժակին մէջ ջուր խառնել) ի Հայս և յԵրուսաղէմի, ուրանօր եկաց ամս բաղումս» և այլն. (ԲԱՂ. էջ 90):

ԳՐԻԳՈՐ ՔԶ. ԶՈՒՂԱՅԵՅԻ.— 1758ին ուխտաւորութեամբ կ'այցելէ Ս. Յակոբ: